



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

**Acta Synodalia Osnabrvgensis Ecclesiæ, Ab Anno Christi  
MDCXXVIII.**

**Brogberen, Johannes**

**Coloniæ Agrippinæ, 1657**

De concubinariis Clericis. 9

**urn:nbn:de:hbz:466:1-14298**

alia pia loca , nec non ad Dignitates , Personatus & Beneficia pertinentia , vel ad fabri-  
cam Coloniensem , & aliarum Ecclesiarum le-  
gata , seu Bona illicite acquisita , ipsi Fabricæ  
cedentia , aut tacite vel expresse occupent &  
detineant minus juste in fraudem Ecclesiarum & Monasteriorum ac aliorum prædicto-  
rum : Nos , eorum in hac parte fraudibus ob-  
viare volentes , statuimus & præcipimus , ut ,  
quicunque , cujuscunque status aut conditio-  
nis existant , in præsenti vel pro tempore , hu-  
iusmodi Bona & legata , ac illicite acquisita ,  
Ecclesiis , Prælatis & Clericis scientibus vel  
ignorantibus , sub se habuerint ; intra men-  
sem à præsenti statuti publicatione , ea quæ  
ad præsens apud eos sunt & se habere sciunt ,  
vel quoconque tempore , dum innotuerit ipsi-  
se Bona confimilia tenere vel occupare , simili-  
liter intra mensem , eisdem Fabricæ Nostræ  
Coloniensi & Ecclesiis , Monasteriis , Præla-  
tis , Ecclesiarum Rectoribus , aut aliis locis  
piis , restituant atque reddant . Alias ad id ex  
tunc per Excommunicationis sententiam  
compellantur .

#### V. De vita & honestate Clericorum.

Sifridi.  
stat. II.

**S**TATUTUM item bonæ memorie Sifridi  
Quondam Coloniensis Archiepiscopi , Præ-  
decessoris Nostri , inter alia statuta sua de vita  
& honestate Clericorum editum , quod sic in-  
cipit : Ex Concilio Generali statuimus & præ-  
cipimus , ut universi Clerici continenter &  
caste vivant , &c. innovantes , præcipimus  
firmiter observari .

#### VII. De Vicariis , quo ad Versus & Lectiones in Matutinis .

**I**NTELLEXIMUS etiam , quod , quanquam in  
quibusdam Ecclesiis Vicarii aliqui adstricti  
sint suas septimanas servare , celebrando Mis-  
sas in principali seu summo Altari , & cæteras  
Horas quascunque ; Lectiones tamen in Matu-  
tinis legere vel Versus cantare in eisdem Ec-  
clesiis de confuetudine prohibentur : propter  
quæ , occasione Canonorum absentium ,  
contingit interdum , in eisdem Ecclesiis neglig-  
entias fieri , & Matutinas cum cantu penitus  
prætermitti . Attendentes igitur , ablurdum  
esse , quod majora & solemniora ( ut est di-  
ctum ) ipsi Vicariis permittantur , utpote Mi-  
ssarum celebratio in summo Altari , & minima  
denegentur ; ad tollendam negligentiam hu-  
iusmodi , præcipimus Decanis , ut ipsi Vicariis  
eisdem deinceps injungant Versus cantare &  
Lectiones legere , prout viderint expedire ;  
eos , qui ipsis in hoc non paruerint , sicut in  
cæteris , corrigendo , salva correctione contra  
Canonicos , qui in præmissis fuerint negli-  
gentes .

#### VIII. De ætate Presbyterorum Ordinandorum .

**S**TATUIMUS item , ut nullus Clericus secula-  
ris ad Sacerdotii gradum , nisi vigesimum  
quintum annum ætatis suæ attigerit , aliaque  
ad hoc idoneus extiterit , ordinetur ; ut , levi-  
tate juvenili , que prona est ad delictum , trans-  
curfa , Sacerdotes in agendis discretionem ha-  
beant , suo statui congruentem .

Genes. 8.

#### IX. De Concubinariis Clericis .

**Q**UANquam item plures Canones & statu-  
ta edita sint super Continentia Clericali ;  
quia tamen natura prona est & labilis ad in-  
continentiam : idcirco , ut quilibet Clericus ,  
saltem poenæ gravioris formidine , strictrius se  
contineat ; statuimus , ut nullus Clericus , &  
nullus omnino Presbyter , Concubinum vel  
in domo sua vel extra publice teneat aut ha-  
beat , cui necessaria administret . Alioqui à  
Divinis noverit se suspensem : & , talibus su-  
spensis celebrantibus , nullus Divina audiat ,  
nec pro Capellanis nec Sociis eos teneat .  
Contrarium facientes , ut desistant , per Ex-  
communicationis sententiam arceantur , salvis  
poenis per bonæ memorie Conradum Archi-  
episcopum Colonensem , Prædecessorem  
Nostrum , contra Concubinarios & Concu-  
binas hujusmodi institutis . Qui vero , relaxa-  
tis \* voluntatum habenis , in lacum miseriae  
& in lutum fecis se immergunt , ut salutis  
æternæ coronam & honestatis normam , &  
sacrarum virginum pudicitiam violare præ-  
sumperint , cujuscunque Regula vel habitus  
monialium tales extiterint ; propter tam flagi-  
tiosum crimen , si carnis commercium teme-  
rarium fuerit subsecutum , Excommunicatio-  
nis sententia ( quam in his scriptis ferimus ) se  
noverint innodos . Sanctimoniales vero ,  
quæ hujusmodi crimen flagitosum perpetra-  
verint , nullatenus deinceps ad Officium ali-  
quod in Monasterio admittantur : sed in si-  
gnum iniquitatis suæ ( salvis poenis , contra ta-  
les sanctimoniales editis , prout hæ in Conci-  
lio venerabilis Patris Domini Conradi Por-  
tuensis & S. Rufinæ Episcopi , olim Aposto-  
licæ Sedis per Alemaniam Legati , sunt pro-  
mulgatae ) taliter à suis Superioribus corri-  
gantur , quod earum correctio alii terrorem  
incutiat , ea amplius non committendi .

Conrad.  
statu. I.

for. \* vo-

luptatum.

Conradus

Potensia

Ep. S. Rufi-

ne Episc.

Card. per

Alema-

niam A-

postolica

Sedis Le-

gatus.

#### X. Quod Clericis publica Emenda & poenitentia non sit imponenda .

**I**TEM , cum Clericis publica actio poeniten-  
tiæ sit prohibita ; statuimus , ut in nulla Ec-  
clesiarum Nostræ Civitatis , Diocesis & Pro-  
vinciæ ,